

Mércores, 31 de xaneiro de 2024

Núm. 22

ADMINISTRACIÓN LOCAL

PROVINCIAL

DEPUTACIÓN PROVINCIAL

Subvencións e axudas

EXTRACTO DAS BASES REGULADORAS DO PROGRAMA "+ XUNTAS" PARA O ANO 2024, APROBADAS NA XUNTA DE GOBERNO DA DEPUTACIÓN DE PONTEVEDRA DO 30 DE XANEIRO DE 2024

EXTRACTO DAS BASES REGULADORAS DO PROGRAMA "+ XUNTAS" PARA O ANO 2024, APROBADAS NA XUNTA DE GOBERNO DA DEPUTACIÓN DE PONTEVEDRA DO 30 DE XANEIRO DE 2024

BDNS(Identif.): 741721

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións (<https://www.infosubvenciones.es/bdnstrans/GE/es/convocatoria/741721>).

PRIMEIRO. ENTIDADES DESTINATARIAS

Este programa está destinado a asociacións, federacións e fundacións sen fins de lucro da provincia de Pontevedra, ou que contén cunha delegación nela, que teñan como obxectivo e ámbito de actuación a promoción das mulleres e que apoien o seu desenvolvemento e apoderamento, o seu tecido asociativo e a paulatina consecución do obxectivo da igualdade de oportunidades entre mulleres e homes.

As entidades solicitantes deberán cumprir os requisitos previstos nesta convocatoria tendo en conta as instalacións e os equipamentos dos que dispón e as necesidades para cada acción formativa.

Non poderán obter a condición de entidades beneficiarias aquelas nas que concorra algunha das circunstancias previstas no artigo 10.2 da Lei 9/2007, de 13 de xuño, de subvencións de Galicia.

SEGUNDO. OBXECTO

Estas bases teñen por obxecto aprobar as bases reguladoras e a convocatoria do programa "+Xuntas" 2024, a través do cal as entidades interesadas poderán seleccionar unha das accións formativas do catálogo ofertado.



Mércores, 31 de xaneiro de 2024

Núm. 22

TERCEIRO. FINALIDADE

O programa “+Xuntas” ten por finalidade mellorar a formación básica das mulleres na comunidade e as súas condicións de vida, promover o apoderamento e a súa autonomía individual, e crear redes de apoio para impulsar a participación activa, a sororidade e a xeración de vínculos entre as participantes, así como para fomentar as relacións interpersoais e o intercambio de experiencias ao compartir vivencias e romper co illamento.

CUARTO. NORMATIVA APLICABLE

Bases reguladoras do programa, aprobadas por acordo da Xunta de Goberno da Deputación de Pontevedra de 30 de xaneiro de 2024; Bases de execución do Orzamento provincial para o ano 2024; Ordenanza xeral de subvencións; LXS; Real decreto 887/2006, de 21 de xullo, polo que se aproba o Regulamento da LXS; e demais lexislación aplicable.

QUINTO. CONTÍA

A contía consignada para o programa “+Xuntas” 2024, que se regula nesta convocatoria, ascende para o ano 2024 a trescentos vinte e tres mil novecentos sete euros con trinta e nove céntimos (323.907,39 €), con cargo á aplicación orzamentaria 24/250.2315.227.07 do Orzamento ordinario da Deputación.

SEXTO. PRAZO DE PRESENTACIÓN DE SOLICITUDES

O prazo de presentación de solicitudes será do 1 de febreiro ao 1 de marzo de 2024.

SÉTIMO. OUTROS DATOS DE INTERESE

- As solicitudes presentaranse obrigatoriamente por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>).
- Para a presentación das solicitudes a Sede electrónica da Deputación de Pontevedra admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNIe).
- Cada entidade poderá presentar unha única solicitude, segundo o modelo normalizado e a documentación establecida na base novena.
- As accións formativas deberán estar abertas a toda a poboación da provincia de Pontevedra, aínda que as mulleres terán preferencia. En caso de quedar prazas vacantes, poderán participar homes, ata un máximo do 25 % do total das prazas adxudicadas. As persoas participantes deberán ser maiores de idade ou, de maneira excepcional, maiores de 16 anos.
- As persoas participantes en cada obradoiro deberán aboar a cantidade de sete (7) euros e serán responsables de levar os materiais esixidos, en caso de que fose preciso, para



Mércores, 31 de xaneiro de 2024

Núm. 22

realizar a acción formativa escollida (ver catálogo). Esta cantidade non se lles devolverá a non ser que a baixa na acción formativa se produza por causas de forza maior.

- As accións formativas contempladas no programa ofertaranse a través dunha empresa especializada na materia, que será a responsable do seu desenvolvemento e da súa execución.

Documento datado e asinado dixitalmente.

